

- a) naziv organa koji objavljuje poziv;
- b) naziv i adresu organa kojem se zahtjevi podnose;
- c) akademsku godinu za koju se isti raspisuje;
- d) opće i posebne uvjete i kriterije za dodjelu stipendije;
- e) vrstu stipendija koje se dodjeljuju;
- f) listu dokumenata kojima se utvrđuju dokazi o ispunjavanju uvjeta za dodjelu stipendije;
- g) rok za podnošenje prijave koji ne može biti kraći od 15 (petnaest) dana od dana objavljivanja u sredstvima javnog informisanja;
- h) rok u kojem će biti objavljeni rezultati poziva;
- i) vrijeme za koje se stipendija dodjeljuje;
- j) prava i obaveze stipendista;
- k) i druge potrebne podatke.

IV - PRIJELAZNE I ZAVRŠNE ODREDBE

Član 12.
(Preliminarna lista)

- (1) Komisija je dužna razmotriti prijave u roku od 30 dana od dana zatvaranja poziva za dodjelu stipendija, usvojiti preliminarnu listu stipendija i istu objaviti na internet stranici Ministarstva i oglasnoj ploči Kantona.
- (2) Komisija je dužna, po obavljenom odabiru kandidata, u dnevnom listu u kojem je poziv bio objavljen, objaviti saopštenje kojim informiše kandidate koji su aplicirali na poziv o objavljivanju preliminarne liste.

Član 13.
(Prigovor na preliminarnu listu)

- (1) Učesnici poziva koji nisu zadovoljni preliminarnom listom, imaju pravo podnošenja prigovora u roku od 15 dana od dana objavljivanja saopštenja iz člana 12. stav (2) ove uredbe.
- (2) Prigovor se upućuje ministru.
- (3) Ministar je dužan donijeti odluku o prigovoru u roku od osam dana od dana isteka roka za prigovor.
- (4) Odluka o prigovoru je konačna.

Član 14.
(Konačna lista)

Nakon isteka roka za prigovor, odnosno donošenja odluke o prigovoru, ministar objavljuje konačnu listu stipendista u dnevnom listu u kojem je objavljen poziv i internet stranici Ministarstva.

Član 15.
(Ugovor o stipendiranju)

- (1) Prava, obaveze i druga pitanja o dodjeli i korištenju stipendija regulisat će se preciznije ugovorom između stipendiste i Ministarstva.
- (2) Ugovor sadrži ime, odnosno naziv ugovornih strana, JMBG stipendiste i njegova tačna adresa stanovanja, međusobna prava i obaveze stipendiste i Ministarstva.
- (3) Ugovor o stipendiranju potpisuju stipendista i ministar.

Član 16.
(Način isplate)

- (1) Stipendije se isplaćuju na žiro-račun stipendiste, odjednom ili u ratama, ovisno od priliva sredstava u Budžet Kantona Sarajevo.
- (2) Dodijeljena sredstva po osnovu stipendija se ne vraćaju.

Član 17.
(Ravnopravnost spolova)

Odredbe ove uredbe odnose se podjednako na osobe muškog i ženskog spola, bez obzira na rod imenice upotrijebljene u tekstu ove uredbe.

Član 18.

(Rok za donošenje provedbenog propisa)

Propis iz člana 4. stav (5) ove uredbe ministar je obavezan donijeti najkasnije u roku od tri mjeseca od dana stupanja na snagu ove uredbe.

Član 19.

(Prestanak važenja ranijeg propisa)

Stupanjem na snagu ove uredbe prestaje da važi Odluka o uvjetima, postupku i kriterijima za dodjelu stipendija izuzetno uspješnim učenicima i studentima Kantona Sarajevo ("Službene novine Kantona Sarajevo", broj 20/08).

Član 20.

(Stupanje na snagu)

Ova uredba stupa na snagu danom objavljivanja, a objavit će se u "Službenim novinama Kantona Sarajevo".

Broj 02-05-30313-14.1/11

1. decembra 2011. godine

Sarajevo

Premijer

Fikret Musić, s. r.

Ministarstvo finansija

Na osnovu čl. 25. stav (3) Zakona o budžetima u Federaciji BiH ("Službene novine Federacije BiH", br. 19/06, 76/08, 5/09, 32/09, 9/10, 36/10 i 45/10) i člana 4. stav (2) Zakona o trezoru u Federaciji Bosne i Hercegovine ("Službene novine Federacije BiH", broj 19/03 i 79/07), ministar finansija Kantona Sarajevo donosi

UPUTSTVO

O IZMJENAMA I DOPUNAMA UPUTSTVA O
FINANSIJSKOM PLANIRANJU, IZVRŠAVANJU
BUDŽETA KANTONA SARAJEVO I EVIDENTIRANJU
RASHODA I IZDATAKA PREMA IZVORIMA
SREDSTAVA U FISKALNOJ GODINI

I.

1. U Uputstvu o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini ("Službene novine Kantona Sarajevo", broj 17/07) u Poglavlju II FINANSIJSKO PLANIRANJE:
 - u tački 2. iza riječi: "Ministarstvo finansija" dodaju se riječi: "(u daljnjem tekstu: Ministarstvo)"
 - u tački 4. veznik "će" se briše, a riječ "predstavljati" zamjenjuje se riječju "predstavlja",
 - u tački 5. iza riječi: "za naredni mjesec" tačka se briše i dodaju se riječi: "sa detaljnim obrazloženjem" i
 - u tački 6. veznik "će" se briše, a riječ "predstavljati" zamjenjuje se riječju "predstavlja".
2. U Poglavlju III. IZVRŠAVANJE BUDŽETA u tački 7. iza riječi: "mjesečnim finansijskim planovima", tačka se briše i dodaju se riječi: "na osnovu potpune i vjerodostojne dokumentacije".

Tačke 8. i 11. i 13. se brišu, a dosadašnje tačke 9., 12., 14., 15. i 16. postaju tačke 8., 9., 10., 11. i 12.

U dosadašnjoj tački 16. alineje 9. i 11. se brišu.

U alineji 12. riječi: "Zaključak Vlade za odobravanje sredstava za izvršavanje kapitalnih izdataka", se brišu.

3. U Poglavlju IV. EVIDENTIRANJE RASHODA I IZDATAKA PREMA IZVORIMA SREDSTAVA u dosadašnjoj tački 17. riječi: "odlukama Vlade" zamjenjuju se riječima: "odlukama Ministarstva".

Dosadašnje tačke: "17, 18, 19, 20 i 21", postaju tačke "13, 14, 15, 16 i 17".

- Dosadašnja tačka 21. mijenja se i glasi: "Budžetski korisnici obavezni su postupati u skladu sa tačkom 15. ovog Uputstva."
- U cijelom tekstu Uputstva riječi: "grantovi" u svim padežima zamjenjuju se riječima: "transferi" u odgovarajućim padežima.
 - Ovo Uputstvo stupa na snagu danom dobijanja saglasnosti od strane Vlade Kantona Sarajevo, i objavit će se u "Službenim novinama Kantona Sarajevo".

Broj 08-01-14-10701/11
22. septembra 2011. godine
Sarajevo

Ministar
Muhamed Kozadra, s. r.

- Ova odluka stupa na snagu danom donošenja a objavit će se u "Službenim novinama Kantona Sarajevo".

Broj 08-14-30457/11
30. novembra 2011. godine
Sarajevo

Ministar
Muhamed Kozadra, s. r.

Na osnovu člana 14. stav 3. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu Kantonalne javne ustanove za zaštićena prirodna područja, ministar finansija donosi slijedeću

ODLUKU

O UNOSU PRIMLJENE DONACIJE U BUDŽET KANTONA SARAJEVO ZA 2011. GODINU ZA KANTONALNU JAVNU USTANOVU ZA ZAŠTIĆENA PRIRODNA PODRUČJA

- Odobrava se unos sredstava (primljena namjenska donacija) u iznosu od 22.761 KM u Budžet Kantona Sarajevo za 2011. godinu koja je Služba za zapošljavanje Kantona Sarajevo doznala Kantonalnoj javnoj ustanovi za zaštićena prirodna područja u iznosu 17.863 KM po osnovu Ugovora o finansiranju javnih radova u oblasti uređenja okoline i izgradnje infrastrukture broj 04/02-34-03-JR /11 od 23.05.2011. godine.
- Sredstva iz tačke 1. ove odluke evidentirat će se u razdjelu 15 - Ministarstvo prostornog uređenja i zaštite okoliša, glava 03, potrošačka jedinica 0001, na ekonomskom kodu: 613900-Ugovorene i druge posebne usluge iznos 17.863 KM
- Ministarstvo finansija će evidentirati i proknjižiti Uplaćena sredstva i izvršiti plaćanje po naredbi Ministarstva prostornog uređenja i zaštite okoliša, u skladu sa prilivom tih sredstava u Budžet Kantona Sarajevo za 2011. godinu, Ministarstvo prostornog uređenja i zaštite okoliša će pratiti utrošak istih.
- Ova odluka stupa na snagu danom donošenja a objavit će se u "Službenim novinama Kantona Sarajevo".

Broj 08-14-28508/11
21. novembra 2011. godine
Sarajevo

Ministar
Muhamed Kozadra, s. r.

Na osnovu člana 14. stav 3. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu "Srednje škole primijenjenih umjetnosti", ministar finansija donosi slijedeću

ODLUKU

O UNOSU PRIMLJENOG TEKUĆEG TRANSFERA U BUDŽET KANTONA SARAJEVO ZA 2011. GODINU ZA "SREDNJU ŠKOLU PRIMIJENJENIH UMJETNOSTI"

- Odobrava se unos sredstava (primljeni tekući transfer od međunarodnih organizacija) u iznosu 3.075 KM u Budžet Kantona Sarajevo za 2011. godinu koju je Asocijacija centralno evropskih škola dodijelila "Srednjoj školi primijenjenih umjetnosti" za realizaciju projekta "Telling a story".
- Sredstva iz tačke 1. ove odluke evidentirat će se u razdjelu 21 - Ministarstvo obrazovanja i nauke, glava 03, potrošačka jedinica 0011- "Srednja škola primijenjenih umjetnosti", na ekonomskom kodu: 613900-Ugovorene i druge posebne usluge . . . 3.075 KM
- Prilikom realizacije sredstava iz tač. 1. i 2. ove odluke "Srednja škola primijenjenih umjetnosti" Sarajevo je dužna primijeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 92/05, 24/06, 70/06, 105/06, 56/07, 27/08 i 12/09), te nakon realizacije aktivnosti dostaviti izvještaj (sa finansijskog i tehničkog aspekta) sa kompletnom popratnom dokumentacijom Ministarstvu obrazovanja i nauke.
- Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva obrazovanja i nauke u skladu sa prilivom tih sredstava u Budžet Kantona Sarajevo za 2011. godinu i Ministarstvo obrazovanja i nauke će pratiti utrošak istih.

Na osnovu člana 14. stav 3. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu Srednje škole za okoliš i drveni dizajn, ministar finansija donosi slijedeću

ODLUKU

O UNOSU PRIMLJENIH TRANSFERA U BUDŽET KANTONA SARAJEVO ZA 2011. GODINU ZA SREDNJU ŠKOLU ZA OKOLIŠ I DRVNI DIZAJN

- Odobrava se unos sredstava (primljeni transferi) u iznosu od 1.587 KM u Budžet Kantona Sarajevo za 2011. godinu koji je Općina Novi Grad doznala Srednjoj školi za okoliš i drveni dizajn za realizaciju projekta iz oblasti zaštite okoliša i turizma.
- Sredstva iz tačke 1. ove odluke evidentirat će se u razdjelu 21, glava 03, potrošačka jedinica 0025 - Srednja škola za okoliš i drveni dizajn, na ekonomskom kodu: 613900 - Ugovorene i druge posebne usluge iznos 1.587 KM
- Prilikom realizacije sredstava iz tač. 1. i 2. ove odluke Srednja škola za okoliš i drveni dizajn je dužna primijeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 92/05, 24/06, 70/06 i 105/06, 56/07, 27/08 i 12/09), te nakon realizacije aktivnosti dostaviti izvještaj (sa finansijskog i tehničkog aspekta) sa kompletnom popratnom dokumentacijom Ministarstvu obrazovanja i nauke.